



# 715 Nótatrygging

## VÁTRYGGINGARSKILMÁLI

### 1. Það sem vátryggingin nær til.

- 1.1 Vátryggingin nær til þeirrar nótar sem er um borð í því skipi sem nefnt er í vátryggingarskírteini þegar vátryggingaratburður verður, en brunatrygging nótar gildir hvar sem er á Íslandi.

### 2. Það sem vátryggingin bætir.

- 2.1 Vátryggingin bætir eftirtalin tjón:
- algert tjón ef hið vátryggða ferst með skipinu,
  - algert tjón og partstjón ef þau stafa beinlínis af því að skipið strandar, sekkur, því hvolfir eða það rekst á annað skip, fasta hluti eða fljótandi,
  - brunatjón skv. (samkvæmt) skilmálum félagsins nr. (númer) 100 um brunatryggingu lausafjár,
  - þátttöku í samtjóni, samtjónskostnaði eða hliðstæðum kostnaði og björgun.

### 3. Undanskildar áhættur.

- 3.1 Vátryggingin bætir ekki:
- tjón af völdum ófullnægjandi viðhalds, fúa, þreytu, tæringar, slits eða sambærilegra orsaka um borð í skipi því sem hið vátryggða er tryggt í,
  - tjón sem rakið verður til hönnunargalla skipsins,
  - tjón sem stafar af því að skipið sem hið vátryggða er tryggt í var óhaffært er það lét síðast úr höfn, ófullnægjandi útbúið eða var ekki tryggilega hlaðið,
  - tjón sem rakið verður til stríðs, óeirða, uppbots, verkfallsaðgerða eða annarra sambærilegra atburða,
  - tjón af völdum kjarnorku, jónandi geislunar og geislavirkra efna.

### 4. Haffærisskírteini.

- 4.1 Það er skilyrði fyrir vátryggingu þessari að skipið sem hið vátryggða er vátryggt í hafi haffærisskírteini, skoðunarvottorð, mælibréf og fullnægi reglum Siglingastofnunar Íslands sem í gildi eru á hverjum tíma um slíka báta.

### 5. Svik og rangar upplýsingar.

- 5.1 Hafi vátryggingartaki við gerð eða endurnýjun vátryggingarsamnings sviksamlega eða með öðrum hætti vanrækt skyldu sína til að veita félaginu upplýsingar um atvik sem haft geta þýðingu fyrir mat þess á áhættunni og vátryggingaratburður hefur orðið fellur ábyrgð félagsins niður í heild eða að hluta, sbr. (samanber) 20. gr. (grein) vátryggingarsamningalaga. Rangar og ófullnægjandi upplýsingar veita félaginu ennfremur rétt til að segja vátryggingunni upp, sbr. 21. gr. laganna.
- 5.2 Veiti vátryggður við uppgjör bóta af ásetningi rangar upplýsingar sem hann veit eða má vita að leiða til þess að hann fær greiddar bætur sem hann á ekki rétt til fellur bótaréttur hans niður og félagið getur sagt upp öllum vátryggingarsamningum sínum við vátryggðan eins og nánar greinir í 47. gr. vátryggingarsamningalaga.

### 6. Siglingasvæði.

- 6.1 Félagið er laust úr ábyrgð, í heild eða að hluta, ef skip það sem hið vátryggða er um borð í, fer suður fyrir 40° norðlægrar breiddar eða norður fyrir 70° norðlægrar breiddar á tímabilinu frá 16. nóvember til 15. maí. Þó bætist tjón ef skipið fer út fyrir hin landfræðilegu mörk vegna bótaskylds vátryggingaratburðar eða slíkt hafi verið nauðsynlegt til að koma í veg fyrir tjón á mönnum eða munum. Skipinu skal ætíð siglt að nýju inn fyrir mörkin um leið og atvik eru ekki lengur fyrir hendi sem gerðu för þess út fyrir þau nauðsynlega.

### 7. Varúðarreglur.

- 7.1 Þegar skip, sem hið vátryggða er um borð í, er í höfn eða í lægi skal ganga tryggilega frá festum þess.

# 715 Nótatrygging

## VÁTRYGGINGARSKILMÁLI

7.2 Brot gegn framangreindri varúðarreglu og öðrum gildandi varúðarreglum getur leitt til þess að félagið er laust úr ábyrgð í heild eða að hluta.

### 8. Breytt áhætta.

8.1 Tilkynna skal félaginu tafarlaust allar breytingar á gerð og notkun þess skips, sem hið váttryggða er váttryggt í, er haft geta í för með sér aukna áhættu á tjóni.

8.2 Ef einhverjar breytingar verða, sem getið er í 1. mgr. (málsgrein), áskilur félagið sér rétt til að breyta váttryggingarkjörum eða segja váttryggingunni upp, sbr. gr. 12.2.

8.3 Hljótist tjón vegna áhættuaukningar samkvæmt 1. mgr. af völdum váttryggðs eða með samþykki hans og hann hefur ekki gert ráðstafanir, sem sanngjarnar geta talist, til að fullnægja tilkynningarskyldu samkvæmt 1. mgr., getur félagið lækkað bætur hlutfallslega miðað við það iðgjald sem félagið hefði ella áskilið sér vegna hinnar auknu áhættu.

### 9. Ásetningur og stórkostlegt gáleysi.

9.1 Valdi váttryggður tjóni af ásetningi ber félagið enga ábyrgð á tjóninu. Hafi hann valdið tjóninu af stórkostlegu gáleysi er félagið laust úr ábyrgð í heild eða að hluta. Hið sama gildir um ábyrgð félagsins hafi maki váttryggðs, börn hans, starfsmenn eða aðrir um borð í skipinu valdið tjóninu af ásetningi eða stórkostlegu gáleysi.

### 10. Skaðatrygging.

10.1 Um váttryggingu þessa gildir sú grundvallarregla að hún er skaðatrygging og greiðast ekki hærri bætur en þarf til að bæta tjón það sem orðið hefur.

### 11. Váttryggingarverð.

11.1 Það er skilyrði að váttryggingarfjárhæð hins váttryggða skuli vera sem næst sannvirði. Sé váttryggingarfjárhæðin lægri en verðmæti hins váttryggða er ábyrgð félagsins aðeins hlutfallsleg eftir þeim mun sem er á váttryggingarfjárhæðinni og verðmæti hins váttryggða.

### 12. Gildistími og uppsögn.

12.1 Váttryggingin gildir fyrir það tímabil sem tilgreint er í váttryggingarskírteini eða iðgjaldskvittun. Þegar tímabilinu lýkur framlengist váttryggingin um eitt ár í senn nema váttryggingartaki hafi sagt henni upp innan mánaðar frá því að félagið sendi tilkynningu um gjalddaga hins nýja tímabils skv. gr. 13.1. Ekki er þó skylt að tilkynna uppsögn fyrr en tvær vikur eru til loka tímabilsins. Sé váttryggingin hins vegar tekin vegna atvinnurekstrar og umfang rekstraraðila samsvarar fleiri en fimm ársverkum eða starfsemin fer að mestu leyti fram erlendis skal uppsögnin ávallt hafa borist félaginu í síðasta lagi einum mánuði fyrir lok tímabilsins.

12.2 Þegar váttrygging er tekin vegna atvinnurekstrar og svo háttar um reksturinn sem greinir í lokamálslið 1. mgr. getur váttryggingartaki ekki sagt váttryggingarsamningnum upp á váttryggingartímanum til að flytja váttrygginguna til annars félagsins.

12.3 Nú hefur váttryggingaratburður orðið, sem leitt hefur til alvarlegs trúnaðarbrests milli félagsins og váttryggingartaka, eða áhættumat, sem er til grundvallar váttryggingunni og iðgjald miðast við, hefur gerbreyst, er félaginu þá heimilt að segja tryggingunni upp með tveggja mánaða fyrirvara. Verði þrjú bótaskyld tjón á 18 mánaða tímabili hefur félagið rétt til þess að segja váttryggingunni upp. Skrifleg uppsögn skal fara fram án ástæðulauss dráttar eftir að félaginu varð kunnugt um atvik sem veita því rétt til uppsagnar. Félaginu er skylt að endurgreiða hlutfallslega iðgjald fyrir þann tíma sem eftir er af váttryggingartímabilinu.

### 13. Greiðsla iðgjalds.

13.1 Greiða skal fyrsta iðgjald þegar váttryggingin gengur í gildi og síðari iðgjöld á tilgreindum gjalddögum. Félagið sendir váttryggingartaka tilkynningu um greiðslu iðgjaldsins. Í tilkynningunni skal greiðslufrestur

# 715 Nótatrygging

## VÁTRYGGINGARSKILMÁLI

tilgreindur sérstaklega sem skal vera einn mánuður hið skemmsta frá þeim degi sem tilkynningin er send.

- 13.2 Sé iðgjald ekki greitt þegar greiðslufresti lýkur skv. 1. mgr. er félaginu heimilt að senda sérstaka aðvörun þar sem greiðslu er krafist innan 14 daga ella fellur váttryggingin niður sé iðgjaldið þá enn ógreitt.
- 13.3 Hafi váttryggingartaki ekki samið sérstaklega við félagið um greiðslu iðgjaldsins áður en frestur skv. 2. mgr. rennur út telst það ógreitt, ef það er ekki að fullu greitt þegar fresturinn er úti.
- 13.4 Krafa um greiðslu iðgjalds er send á heimilisfang váttryggingartaka sem tilgreint er í þjóðskrá nema hann hafi tilgreint annað heimilisfang sérstaklega. Breytingar á tilgreindu heimilisfangi skal þegar í stað tilkynna félaginu.
- 13.5 Falli váttrygging niður skv. 2. mgr. skal váttryggingartaki engu að síður greiða iðgjald fyrir það tímabil sem váttryggingin var í gildi. Reiknast þá iðgjaldið sem um skammtímatryggingu hafi verið að ræða.
- 13.6 Við innheimtu iðgjalds er félaginu heimilt að innheimta sérstakt gjald, sem nánar skal tilgreint í iðgjaldaskrá til að standa straum af kostnaði við innheimtu iðgjaldsins. Þess skal einnig getið sérstaklega í tilkynningu um greiðslu iðgjaldsins.

### 14. Endurgreiðsla iðgjalds.

- 14.1 Falli váttryggingarsamningurinn úr gildi áður en váttryggingartímabilinu lýkur endurgreiðir félagið iðgjald í hlutfalli við það sem eftir er af váttryggingartímabilinu.

### 15. Eigendaskipti.

- 15.1 Ef eigendaskipti verða á því skipi sem hið váttryggða er tryggt um borð í eða skipið er sett undir aðra útgerðarstjórn fellur váttryggingin úr gildi.

### 16. Tilkynning um tjón og ráðstafanir vegna tjóns.

- 16.1 Þegar tjón er orðið skal váttryggingartaki tafarlaust skýra félaginu frá því.
- 16.2 Er tjón hefur gerst eða bein hættu er á því að það muni bera að höndum ber váttryggingartaka að reyna að afstýra tjóninu eða draga úr því.
- 16.3 Váttryggingartaki skal gefa félaginu kost á að skoða og meta tjónið áður en viðgerð hefst eða skemmdum munum er ráðstafað.
- 16.4 Vanræksla á skyldum váttryggðs samkvæmt 1. til 3. mgr. getur varðað lækkun eða missi bóta eftir lögum um váttryggingarsamninga.

### 17. Sönnunarbyrði.

- 17.1 Um váttryggingu þessa gildir sú almenna regla að sönnunarbyrðin hvílir á váttryggingartaka bæði um það að tjón falli undir váttryggingarsamninginn og einnig hve miklu tjónið nemur.

### 18. Samráð um viðgerð.

- 18.1 Váttryggingartaka er skylt að hafa fullt samráð við félagið um hvar og hvenær viðgerð fer fram á skemmdum sem váttryggingin skal bæta. Geri hann það ekki er félaginu óskylt að greiða kostnaðarauka sem af því leiðir.

### 19. Greiðsla bóta og vextir.

- 19.1 Krefjast má greiðslu bóta 14 dögum eftir að félagið átti þess kost að afla þeirra upplýsinga sem þörf var á til að meta váttryggingaratburðinn og ákveða fjárhæð bóta.
- 19.2 Váttryggður á rétt á vöxtum af kröfu sinni skv. 50. gr. váttryggingarsamningalaga.

### 20. Tjónsfrádráttur.

20. Bætur vegna hvers einstaks tjóns aðrar en fyrir algert tjón skulu háðar frádrætti eins og hann er ákveðinn í váttryggingarskírteini.

# 715 Nótatrygging

## VÁTRYGGINGARSKILMÁLI

### 21. Endurkröfuréttur.

21.1 Bæti félagið tjón, sem þriðji aðili ber skaðabótaábyrgð á, öðlast það rétt váttryggðs gagnvart honum að því marki sem bótunum nemur.

### 22. Réttur veðhafa gagnvart félaginu.

22.1 Svo fremi að félaginu hafi verið tilkynnt um það sérstaklega telst váttryggingin einnig vera til hagsbóta fyrir þann, sem á skráð veðréttindi í hinu váttryggða, þó með þeirri takmörkun að veðhafi öðlast ekki meiri rétt gagnvart félaginu en eigandinn alveg án tillits til þess af hvaða ástæðum réttur eiganda hefur skerst eða fallið niður.

22.2 Váttryggingin gildir ekki gagnvart öðrum sem kunna að eiga annars konar skráð réttindi í hinu váttryggða.

### 23. Uppsögn og aðrar ráðstafanir yfir váttryggingunni.

23.1 Sé váttryggingunni breytt, henni sagt upp eða slitið hefur það ekki réttaráhrif gagnvart veðhafa ef félagið hefur ekki tilkynnt það til hans með mánaðar fyrirvara. Ákvæði 15. gr. um að váttryggingin falli úr gildi við eigandaskipti eða breytta útgerðarstjórn gildir á hinn bóginn gagnvart veðhafa án þess að félagið sendi honum tilkynningu um það.

### 24. Fyrning.

24.1 Kröfur sem falla undir váttryggingu þessa fyrnast samkvæmt ákvæðum laga um váttryggingarsamninga.

### 25. Lög um váttryggingarsamninga.

25.1 Að öðru leyti en kveðið er á um í skilmálum þessum, váttryggingarskírteini eða öðrum gögnum, sem váttryggingarsamningurinn byggir á, gilda um hann lög um váttryggingarsamninga nr. 30/2004.

### 26. Meðferð ágreiningsmála og varnarþing.

26.1 Ágreiningi varðandi váttryggingarsamning og bótaskyldu félagsins að öðru leyti má skjóta til úrskurðarnefndar í váttryggingamálum. Upplýsingar um nefndina og starfshætti hennar má fá hjá félaginu.

26.2 Þrátt fyrir úrræði 1. mgr. er aðilum heimilt að leggja ágreininginn fyrir dómstóla. Slík mál, svo og önnur mál sem rísa út af váttryggingu þessari, skulu rekin fyrir Héraðsdómi Reykjavíkur. Félaginu er þó einnig heimilt að höfða mál út af váttryggingunni á heimilisvarnarþingi váttryggingartaka.

26.3 Heimili félagsins og varnarþing er í Reykjavík.

### Skráning í tjónagrunn Creditinfo Lánstrausts hf.

Tjón sem tilkynnt eru til váttryggingafélaga eru skráð í sérstakan tjónagrunn sem rekinn er af Creditinfo Lánstrausts hf. samkvæmt samningi við Samtök fjármálafyrirtækja (SFF) sem félagið á aðild að og samkvæmt heimild Persónuverndar. Félagið telst ábyrgðaraðili í skilningi persónuverndarlaga nr. 90/2018 vegna skráningar þess á upplýsingum í grunninn og uppflettingum sem framkvæmdar eru á vegum þess. Tilgangur með skráningu í tjónagrunninn er að stemma stigu við váttryggingarsvikum og ofgreiðslu váttryggingabóta. Skráðar eru upplýsingar um kennitölu tjónþola, tjónsnúmer, tegund váttryggingar og tjóns, dagsetning tjóns og skráningar, staðsetning tjóns og eftir atvikum einkvæmt númer hins váttryggða, s.s. skráningarnúmer ökutækis. Við skráningu tjóns fær félagið yfirlit yfir öll tjón sem tjónþoli hefur tilkynnt óháð félagi og skráð hafa verið í tjónagrunninn. Eingöngu starfsmenn félagsins sem skrá tjón og vinna að tjónauppgjöri hafa aðgang að tjónagrunninum. Upplýsingum skal eytt úr tjónagrunni þegar þeirra gerist ekki lengur þörf í þágu tilgangs vinnslunnar, í síðasta lagi þegar 10 ár eru frá skráningu upplýsinganna.

Skilmálar þessir gilda frá 15. janúar 2019.

# 715 Nótatrygging

## VÁTRYGGINGARSKILMÁLI

### Skildagi nr. 1.

#### Tímaskráning í búnaði skips.

1. Til þess að tryggja að tölvur, rafeindatæki, rafeindabúnaður og hugbúnaður virki eðlilega við tímaskráningar skal váttryggingartaki sjá um:
  - a) að framleiðendur ofangreindra hluta og búnaðar gefi yfirlýsingu um að þessi tæki virki með eðlilegum hætti við tímaskráningar,
  - b) að ofangreindur búnaður og hlutir hafi verið prófaðir af sérfróðum mönnum til þess að ganga úr skugga um að þeir virki eðlilega við tímaskráningar, ef framleiðendur hafa ekki getað eða viljað gefa yfirlýsingu skv. a.-lið.
2. Ef það kemur fram í yfirlýsingu eða prófun skv. 1. að hlutirnir kynnu að virka með óeðlilegum hætti við einhverjar tímaskráningar ber váttryggingartaka að gera ráðstafanir til þess að leysa þann vanda sem þetta skapar.
3. Nú sinnir váttryggingartaki ekki þeim varúðarreglum sem í skildaga þessum felast, getur það leitt til þess að ábyrgð félagsins falli niður í heild eða að hluta.
4. Aldrei greiðast bætur vegna tjóns á tölvubúnaði eða hugbúnaði sem stafar af því að þessi búnaður virkar ekki eðlilega við tímaskráningar.
5. Með tímaskráningu er átt við tilgreiningu tíma sem byggist á almanakskerfi þegar tilgreiningin virkar sem upplýsingar, kóti, merki eða með hvers konar öðrum hætti í búnaði, kerfi eða samblandi þess hvoru tveggja.

### Skildagi nr. 12.

#### Víðtækir skilmálar.

Sé þess sérstaklega getið á skírteini tekur trygging þessi einnig til tjóns á váttryggðri nót, samkvæmt neðangreindu:

#### 1. Bótasvið.

- 1.1 Bætt er tjón á nót ef hana tekur út vegna óveðurs og/eða sjólags og hún týnist meðan skip er:
  - a. **á siglingu** enda hafi hún þá verið bundin eða á annan hátt tryggilega frá henni gengið,
  - b. **á veiðisvæði** enda liggi hún þá öll á sínum venjulega geymslustað og tryggilega hafi verið frá henni gengið að mati varkárna skipstjóra.

#### 2. Takmörkun bóta.

- 2.1 Engar bætur koma fyrir nót sem skemmist eða týnist meðan verið er að nota hana við veiðar.
- 2.2 Ef skip hefur samtímis tvær eða fleiri nætur um borð fellur aðeins ein nót undir váttryggingarskírteini þetta.